

Statuts

dall'uniun per la tgira dalla cuntrada e dalla cultura da puma

Cugl intent da simplificar ils statuts redacziunalmein, vegn mo fatg diever dalla fuorma masculina, quei denton senza intenziun discriminonta.

Art. 1: Num e sedia

Sut il num „uniun per tgira dalla cuntrada e dalla cultura da puma“ exista in'uniun politicamein e confessiunalmein independenta tenor art. 60ff cudisch civil cun sia sedia a Trin.

Art. 2: Intent e camp d'activitad

L'uniun promova las enconuschientschas ed igl engaschament per ina protecziun cuzzeivla:

- il reginavel dalla flora e fauna sil camp colonisau e buca colonisau
- la multifariadat, l'atgnadat e bellezza dalla natira e dalla cultira.

Art. 3: Organs dall'uniun

ils organs dall'uniun ein:

- la radunonza generala
- la suprastonza
- ils revisurs da quen.

Art. 4: Radunonza generala (RG)

La radunonza generala ei igl organ superiur dall'uniun.

La RG ordinaria ha liug mintg'onn, per ordinari duront igl emprem quartal. Ella vegn convocada entras la suprastonza. L'invitaziun cun las tractandas ein da tarmetter als commembers sil pli pauc 20 gis ordavon.

Propostas per mauns dalla RG ein d'inoltrar a scret al president entochen la fin digl onn.

Radunonzas extraordinarias vegnan convocadas dalla suprastonza, sche fatschentas impurtontas ed urgentas pretendan quei.

En cass che silmeins in tschunavel dils commembers cun dretg da votar pretendan per mauns dil president ina RG extraordinaria, indicont ils motivs, sto gl'invit succeder entras la suprastonza enteifer treis jamnas.

Art. 5: Radunonza generala ordinaria

Las incumbensas dalla radunonza generala ein:

- a) elecziun dils dumbravuschs
- b) approvaziun dil protocol dalla davosa RG
- c) acceptaziun digl pareri annual
- d) acceptaziun dil quen annual e dil pareri dils revisurs
- e) deilberaziun dalla suprastonza
- f) elecziun dil president, dalla suprastonza, dils revisurs da quen, dallas cumissiuns ella cumpetenza dalla suprastonza

- g) tractament dallas propostas
- h) approvaziun dil programm annual
- i) fixar las contribuziuns dils commembers
- k) approvaziun dexpensas sur 1000 francs.

Art. 6: La suprastonza

La suprastonza consista da tschun commembers e d'in representant dalla suprastonza communal. Els vegnan elegi entras la RG per mintgamai treis onns. Ina reelecziun ei pusseivla.

Il president vegn elegius entras la RG. Lulteriura suprastonza seconstituescha sesezza e decida pertuccond l'autorisaziun da suttascripziun.

Ils uffecis dalla suprastonza ein:

- president
- actuar
- cassier
- dus assessurs.

Sche silmeins treis commembers ein presents, sa la suprastonza concluder. Ella fa quei cun il pli relativ dils commembers presents. En cass da paritad dallas vuschs, decida il president definitiv.

La suprastonza representa l'uniun enviers gl'exteriur e liquidescha las fatschentas, las qualas schain buca expressivamein ella cumpetenza dalla RG.

La suprastonza ha il dretg d'eleger per pensums particulars cumissiuns ni gruppas da lavur.

Art. 7: Ils revisurs da quen

La RG elegia dus revisurs da quen ed in substitut per mintganai treis onns. Els examineschan il quen e presentan alla RG lur pareri e lur proposta.

Ils revisurs da quen ein reelegibels.

Art. 8: Sorts da commembradi

L'uniun consista da:

- commembers singuls
- famiglias cun affons sut 16 onns
- commembers collectivs.

ils commembers s'identificheschan cun gl'intent dall'uniun, formulaus egl art. 2. L'admissiun dils commembers succeda entras la suprastonza.

Art. 9: La contribuziun da commembradi

La contribuziun da commembradi vala per in onn da gestiun. La contribuziun dils commembers singuls, dallas famiglias e dils commembers collectivs ein da fixar entras la RG. Giuvenils sut 16 onns ein deliberai dalla contribuziun.

Art. 10: Votaziuns ed elecziuns

Sche negins dils commembers presents pretendan votaziuns ed elecziuns per scrutini, succedan quellas cun plimaun.

En cass d'elecziuns decida il pli absolut. En cass da paritad dallas vuschs, decida il president definitiv.

Art.11: Dretg da votar

Il dretg da votar ha mintga commember cun varga 16 onns, il qual ha pagau la contribuziun. Mintga commember cun il dretg da votar posseda ina vusch.

Ils commembers collectivs possedan duas vuschs. Quei denton mo, sche silmeins dus representants ein presents.

Art. 12: Recepziun, sortida ed exclusiun

L'entrada da commembers sa succeder da tut temps entras in'annunzia a scret ad in commember dalla suprastanza.

La declaronza da sortida san ins far da tut temps. Ella ha da succeder a scret al president. La sortida ei pusseivla mo sin la fin d'in onn da gestiun e deliberescha buca da pagar la contribuziun da commembradi per gl'onn current.

Commembers, ils quals cunterfan als interess dall'unìun en in'uisa nunacceptabla, sa ha suprastanza excluder. Ei exista in dretg da recuors a caschun dalla proxima RG.

Art. 13.: Facultad dall'unìun

Las entradas dall'unìun consistan da:

- las contribuziuris dils commembers
 - donaziuns e regals
 - recavs d'acziuns realisadas el senn digl intent dall'unìun.
- Las expensas dall'unìun seresultan ord il camp d'activitads.

Art. 14: Acts giuridics e responsablada

Ils organs dall'unìun astgan interpreter neginas acziuns, per las qualas la finanziaun ei buca garantida.

Per las fatschentas dall'unìun garantescha mo la facultad dall'unìun. Ina responsablada persunala dils commembers ei buca pusseivla.

Art. 15: Collaboraziun cun autras organisaziuns

L'unìun sa colaborar cun autras organisaziuns che han ils medems ni semegliants intents.

Art 16: Midadas dils Statuts

Midadas dils statuts sa la RG concluder. Per tals conclus ei mintgamai necessari ina decisiun cun ina pluralitad da dus tierz dallas vuschs dils commembers presents cun il dretg da votar.

Art. 17: Dissoluziun

La RG sa decider la dissoluziun dall'unìun. Per quella decisiun ei necessari ina pluralitad da dus tierz dallas vuschs dils commembers presents cun il dretg da votar.

En cass da liquidaziun dall'unìun, va ina facultad eventuala alla vischnaunca da Trin, la quala depositescha quella. Ina tala facultad sa la vischnaunca puspei metter a disposiziun sco capital inicial per la fundaziun d'ina organisaziun nova cun il medem intent.

En cass d'ina dissoluziun dall'uniun crodan la facultad movibla sco era daners dall'uniun en possess dalla vischnaunca da Trin. Ils acts e documents ein da surdar agl archiv communal da Trin.

Art 18: Acceptaziun dils statuts

La radunonza da fundaziun dils 9 d'avrel 1996 ha acceptau quels statuts, ils quals ein cheutras entrai en vigur.

Trin, ils 9 d'avrel 1996

La presidenta dil gi:

Lisbeth Gilgen

Gl'actuar dil gi:

Fredy Casty